

欽定大清會典事例

欽定大清會典事例卷五百二十七

樂部

樂制 陳設

陳設○凡中和韶樂。

皇帝御太和殿受百官朝賀。樂部和聲署於

殿檐前設之。東列金鐃鐘一。

謹案金鐃鐘十一月用大

呂。正月用太簇。二月用夾鍾。三月用姑洗。四月

用仲呂。五月用蕤賓。六月用林鍾。七月用夷則。

八月用南呂。九月用無射。十月用應鍾。之鐘各

以其本月之律呂為宮。惟元旦冬至萬壽

三大節。則皆用黃

鐘之鐘。特磬同。編鐘十有六。建鼓一。西列玉

特磬一。編磬十有六。均懸以篳虥。又設琴四瑟

二於鐘磬之前。設簫四笛。四排簫二。壎二。篪二。於琴瑟之後。俱北嚮。又東列麾一。祝一。西列敔一。又東西分列笙八。搏拊二。俱東西相嚮。器各以樂工一人司之。如

御圓明園正大光明殿。則設於

正大光明殿東西檐下。

聖駕駐蹕避暑山莊

升殿。則設於

澹泊敬誠殿檐下。

巡幸盛京

升殿則設於

崇政殿檐前及階下兩旁。皆和聲署掌之。其器數俱與

太和殿檐下陳設同。又恭遇

皇帝御乾清宮受內庭朝賀。內務府掌儀司率內監等於

乾清宮檐下設之。又恭遇

皇帝御殿筵燕。元旦冬至

萬壽三大節。設於

太和殿東西檐下。上元設於

圓明園之

正大光明殿東西檐下。除夕設於

保和殿東西檐下。耕藉禮成

御齋宮筵燕。設於

齋宮前東西兩樂亭。

駕幸翰林院。設於翰林院後堂東西廊下。凱旋

駕幸豐澤園。設於

帳殿外。

巡幸盛京筵燕。設於

崇政殿檐前及階下。皆和聲署掌之。又恭遇

皇后御中宮。內務府掌儀司率內監於  
宮檐前設之。鋪鐘特磬用南呂。餘與

皇帝升殿同。又恭遇

皇太后御慈寧宮。於

慈寧宮東西檐下設之。與

皇后御中宮同。上元

皇太后御圓明園正大光明殿。筵燕在京外藩公主王  
妃等。於

殿東西檐下設之。皆掌儀司掌之。又祭

天於

圓丘。樂部率太常寺協律郎等於壇三成階下設之。黃鍾金鐸鍾一。金編鐘十有六在東。黃鍾玉特磬一。玉編磬十有六在西。均懸以篳虥。設建鼓一於鍾縣之次。東設麾一。祝一。笙五。搏拊一。西嚮。西設敔一。笙五。搏拊一。東嚮。左右各設司歌章木笏五於笙之前。東西嚮。左右分列琴十。瑟四。排簫二。簫十。笛十。壎二。篪六。均北嚮。陳武功文德之舞各八佾於階下。旌節四。干戚羽籥各六十有四。如祈穀於

祈年殿則設於

殿外丹陛上。左右分列。陳武功文德侑舞於樂懸之次。  
餘與

圓丘同。又祭

地於

方澤。樂部率太常寺協律郎等於壇二成階下設之。林  
鍾金。鐃。鍾一。編。鍾十有六在東。皆懸以篳虡。設建鼓一於鍾  
編。磬十有六在東。皆懸以篳虡。設建鼓一於鍾  
懸之次。西設麾一。祝一。笙五。搏拊一。東嚮。東設  
敔一。笙五。搏拊一。西嚮。其琴瑟排簫簫笛壎篪  
各分列南嚮。旌節干戚羽籥各東西分列。其數



與

南郊同。又

太廟時饗大祫。樂部率太常寺協律郎等於

殿外階上設之。太族金罇鐘一在東。太族玉特磬一在

西。編鐘編磬建鼓麾祝敔琴瑟排簫簫笙笛壎

篪搏拊之屬。東西分列。陳武功文德侑舞於樂

懸之次。器數並與

南郊同。又設中和韶樂於

奉先殿

壽皇殿

安佑宮。並與

太廟同。又祭

社稷壇。設於內壝門內。東西分列。南嚮。其鐃鍾特磬。春

用夾鍾。秋用南呂。祈祀報祀。隨月用律。餘與

北郊同。又祭

天神。設於壇階下之南。鐃鍾特磬用黃鍾。器數侑舞

與

南郊同。祭

地祇。設於壇階下之北。鐃鍾特磬用林鍾。器數侑舞

與

北郊同。又朝

日。設於壇下內壝門內。南北分列。東嚮。鐃鍾特磬用

太族。夕

月。設於壇下內壝門內。亦南北分列。西嚮。鐃鍾特磬

用南呂。餘均與

天神

地祇壇同。又祭

先農。設於壇下。東西分列。鐃鍾特磬用姑洗。餘與

北郊同。

謹案。耕藉歌三十六。禾詞。器用禾詞。鐃與禾詞。鼓及蕭笛笙拍版各六。和聲署設之。又先

盤壇不用中和韶樂。其樂亦六。成視慶神。樂。羽籥三。用琴四。瑟二。蕭六。笛六。笙六。建鼓一。杖。

鼓二。方響十有六。雲鐃二。拍版二。歌采桑歌。器用鐃鼓拍版各二。簫笛笙各六。其鐃鼓與采桑詞。儀司率內監等設之。又祭

歷代帝王廟。設於

殿外階上。樂器侑舞與

社稷壇同。又祭

先師廟。設於

殿外兩階上。鐃鐘特磬各一。皆春用夾鐘。秋用南呂。編鐘編磬各十有六。琴六。瑟四。排簫二。簫六。笛六。笙六。壎二。篪四。搏拊二。俱東西分列。東麾一。建鼓一。祝一。西敔一。又東西分列旌節二。羽

簫各三十六。其闕里

文廟。惟不設鐃鐘特磬。餘同。又祭

關帝廟。設於

殿外兩階上。鐃鐘特磬。編鐘。編磬。瑟。箏。搏拊。麾。建鼓。祝。敔。旌。節。均與

文廟同。惟琴十。排簫。簫。笛。笙。壎。各四。增木笏六。列八佾。干戚。羽籥。各六十有四。又祭

文昌廟。陳設樂器與

關帝廟同。羽籥與

文廟同。

謹案三年奉

關帝廟。

向係慶神歡樂。乾隆三十  
旨添設實鐃二。方響二。排簫

二。簫二。笛四。箎二。管二。笙二。簾二。鼓二。拍版二。  
視慶神歡樂如隆嘉慶六年增奉文昌廟祀樂器與開帝廟同咸豐三年暨六年已次第升入中祀又祭

太歲壇設於

殿內。太族。鐃。鐘。特。磬。各一。編鐘。編磬。各十有六。琴十。瑟四。排簫二。簫十。笛十。笙十。壎二。篪六。搏拊二。俱東西分列。其建鼓一。麾一。祝一。在東。敔一。在西。旌節四。干戚羽籥各六十有四。俱設於樂懸之次。又

巡幸祭

方嶽。設於廟階上。東列編鐘十有六。麾一。建鼓一。祝

一。西列編磬十有六。敔一。又琴四。瑟二。排簫二。簫四。笛四。笙四。壎二。篪二。搏拊二。東西分列。不設佾舞。以上皆神樂署掌之。凡丹陛大樂。

皇帝御太和殿受百官朝賀。樂部和聲署於

太和門檐下設之。左右分列戲竹二。夾丹陛中階。東西相嚮。以二人司之。又東西分列大鼓二架。方響二虞。東列雲鑼二。簫二。管四。笛四。笙四。杖鼓一。拍版一。俱北嚮。器各以一人司之。如

御圓明園正大光明殿。則設於

出入賢良門內左右。

聖駕駐蹕避暑山莊

升殿則設於

避暑山莊門內左右。

巡幸盛京

升殿則設於

崇政殿之兩樂亭。又恭遇

皇帝御乾清宮受內庭朝賀。內務府掌儀司率內監  
等於

乾清門後檐下設之。又恭遇

皇帝御殿筵燕。元旦冬至



萬壽三大節。設於

太和門內兩旁。上元設於

圓明園之

出入賢良門內兩旁。除夕設於

中和殿後檐下。耕藉禮成。

御齋宮筵燕。設於

齋宮門旁兩廊下。

駕幸翰林院。設於敬一門內兩旁。凱旋。

駕幸豐澤園筵燕。設於

帳殿之南。

巡幸盛京筵燕。設於

大清門內兩旁。皆和聲署掌之。又恭遇

皇后御中宮。內務府掌儀司率內監等於

宮門內設之。與

皇帝升殿同。又恭遇

皇太后御慈寧宮受慶賀。於

長慶門內設之。

皇后行禮時。則移設於

慈寧門內檐下。

御慈寧宮筵燕。於

慈寧門東西檐下設之。與

皇后御中宮同。上元

皇太后御圓明園正大光明殿筵燕於

出入賢良門內兩旁設之。皆掌儀司掌之。○凡清  
樂有二。一中和清樂。一丹陛清樂。元旦冬至

萬壽三大節。

皇帝御太和殿筵燕。樂部和聲署設中和清樂於

太和殿東檐下。設丹陛清樂於

太和門內丹陛大樂之東。俱雲鑼二。笛二。管二。笙  
二。手鼓一。杖鼓一。拍版一。北嚮。器各以一人司

之上元

御圓明園正大光明殿筵燕。除夕

御保和殿筵燕。各設中和清樂於

殿東檐下。耕藉

御齋宮筵燕。設中和清樂於

齋宮之東樂亭。

駕幸翰林院。設中和清樂於翰林院後堂東廊下。

巡幸盛京筵燕。設中和清樂於

崇政殿東階下。皆和聲署掌之。又恭遇

皇帝躬閱

皇太后

冊

寶。和聲署設中和清樂於

太和殿檐下。又恭遇

皇太后御慈寧宮。掌儀司官率內監設中和清樂於  
慈寧宮東檐下。上元

皇太后御圓明園正大光明殿筵燕。設中和清樂於

殿東檐下。亦掌儀司掌之。○凡鹵簿樂有五。一曰

前部大樂。陳

大駕鹵簿

法駕鹵簿則樂部和聲署設於鹵簿之前。均用大銅角四。小銅角四。金口角四。器各以署史一人司之。一曰鏡歌大樂。陳

大駕鹵簿則樂部鑾儀衛率官校等設鏡歌大樂於前部。大樂之次。器用金。二次銅鼓四。次銅鈸。二次行鼓。二次銅點。二次笛四。次雲鐸。二管。二笙。二次金口角。八次大銅角。十有六次小銅角。十有六次蒙古角。二次金鈺。四次畫角。二十有四。次龍鼓。二十有四。次龍笛。十有二。次拍版。四次杖鼓。四次金。四次龍鼓。二十有四。器共以署

史四十八人。民尉一百八十八人司之。陳

法駕鹵簿設饒歌大樂。其器惟大銅角八。小銅角八。金鉦四。畫角二十有四。龍鼓二十有四。笛十有二次。拍版四。杖鼓四。金二。龍鼓二十有四。一曰饒歌鼓吹。如朝會。

御殿陳

法駕鹵簿設饒歌鼓吹於

午門外寶象之南。用龍鼓二十有四。金二。杖鼓四。拍版四。龍笛十有二。龍鼓二十有四。畫角二十有四。金鉦四。大銅角八。小銅角八。以民尉一百

八十八人司之一曰鏡歌清樂

巡幸陳

騎駕鹵簿則設鏡歌大樂於

御仗前而以鏡歌清樂間之其器共用大銅角八

小銅角八金口角八間以雲鑼二龍笛二平笛

二管二笙二次銅鼓四金一銅點一銅鈸一行

鼓一間以金一銅點一銅鈸一行鼓一次蒙古

角二又

聖駕親征設鏡歌大樂於

騎駕鹵簿之前設金鈺四而不用銅鼓餘與



巡幸饒歌大樂同又

親征祭燾及凡

命將出師祭燾設樂器用金四大銅角四皆樂部和聲署與鑾儀衛掌之一曰導迎樂

聖駕出入宮禁陳鹵簿則樂部和聲署於

御仗前饒歌大樂畫角導迎鼓之間設之器用戲竹二管六笛四笙二雲鐸二導迎鼓一版一如

大祀

親詣行禮出宮及

還宮日或仍直齋期則設而不作又

頒詔與耕藉前期進種穡採桑前期進鉤篋及齋文  
武

殿試勝則設於

午門外。

頒朔進春進表箋則設於禮部欽天監各衙門各館  
進書則設於各纂修館前迎吻則設於琉璃窩  
凡用

御仗前導皆設之和聲署掌之。○凡筵燕樂有九  
一曰隊舞。

殿廷朝會燕饗及

宮中慶賀燕饗用慶隆舞。

巡幸盛京

崇政殿筵燕用世德舞凱旋

豐澤園筵燕用德勝舞。器用琵琶八三絃八奚琴  
一。第一。竹節十有六。拍版十有六。一曰蒙古樂  
器用筚吹之筚。胡琴。口琴。六絃箏各一。番部合  
奏之雲鑼。簫。笛。管。笙。箏。胡琴。琵琶。三絃。二絃。月  
琴。提琴。軋箏。火不思。拍版各一。一曰朝鮮樂器  
用朝鮮之笛。管。排鼓各一。一曰瓦爾喀部樂器  
用瓦爾喀部之威篋。奚琴各四。一曰回部樂器

用回部之達卜。那噶喇哈爾札克喀爾奈塞他  
爾喇巴卜。巴拉滿蘇爾奈各一。一曰番子樂器  
用金川之得梨拍且爾得勒窩各一。班禪之得  
梨二。龍思馬爾得勒窩四。巴汪蒼清各一。一曰  
廓爾喀部樂器用廓爾喀之薩朗濟三。丹布拉  
達拉達布拉各一。公古哩四。一曰安南國樂器  
用安南之弓哨二。弓鼓。弓拍。弓彈絃子。弓彈胡  
琴。弓彈雙韻。弓彈琵琶。弓三音鐸各一。謹案安南國改  
名越南。其樂於嘉慶八年一曰緬甸國樂器用  
奉旨停止豫備。  
粗緬甸之接內塔兒呼。稽灣斜枯聶兒。美聶聶

兜鍪結莽聶兜布各一。細緬甸之巴打拉蚌札  
總稿機蜜穹總得約總不疊接足各一。遇筵燕  
皆用之。凡筵燕樂設於

殿廷和聲署掌之。設於

中宮。掌儀司掌之。○凡

賜燕樂。歲二月

皇帝御筵畢。賜燕。則樂部和聲署設樂器。用雲鑼  
方響各一。以代編鐘編磬。又琴瑟及手鼓拍  
版各一。簫笛笙各四。○凡部燕樂

賜文武進士筵燕。及筵燕行聖公。則樂部和聲署設

樂於禮部兵部衙門露臺之下其器用鼓一管  
二笛二笙一雲鑼一拍版一。○凡鄉燕樂順天  
府舉行鄉飲酒禮設於儒學明倫堂西階之下  
和聲署掌之。○凡凱旋樂有二一曰鏡歌設於  
郊勞處

御座臺前左右器用大銅角四小銅角四金口角八  
金四鑼二銅鼓二鏡四大和鉦四小和鉦二雲  
鑼四腰鼓四得勝鼓四海笛四管六簫六笛六  
笙六篴六一曰凱歌郊勞禮成

聖駕還宮於馬上設之器用方響一雲鑼四小和鉦

二大和鈸二銅點二星二錫二管十有二笛四笙四簫四杖鼓二拍版二器各以一人司之皆樂部署史及鑒儀衛官校等掌之。○凡慶神歡樂祭

先醫廟

大神廟則樂部和聲署設於廟內西階下祭

顯佑宮

城隍廟

東嶽廟均設於階上黑龍潭玉泉山昆明湖

三龍神祠均設於右階上器皆用雲鐸一笙一管

二笛二鼓一。拍版一。

關帝廟

文昌廟均設於東西階上。器皆用雲鑼二。方響二。排

簫二。簫二。笛四。篪二。管二。笙二。壎二。鼓二。拍版

二。

謹案

關帝廟慶神

乾隆三十三年奉

旨添設分

城

向與

陳設

又興工祭

昌廟祀樂器陳設與

列東西階又嘉慶六年增奉

昌廟祀樂器陳設與

關帝廟同。

又興工祭

昌廟祀樂器陳設與

關帝廟同。

又興工祭

昌廟祀樂器陳設與

關帝廟同。

后土

司工之神。設於祭所之西。迎吻祭

窯神

門神。設於各壇前之西。器數均與



先醫廟同和聲署掌之

欽定大清會典事例卷五百二十八

樂部

樂制

佾舞

隊舞

蒙古樂

曲

回部樂

朝鮮國

俳

賞

廓爾喀部樂

越南國樂

緬甸國樂

佾舞。順治元年定。太常寺神樂觀樂舞生五百七十名。內分樂生一百八十名。文舞生一百五十名。武舞生一百五十名。執事樂舞生九十名。凡樂舞生缺出。即於觀內官員家道童內選補。又定。凡

廟祭祀。初獻用武舞。亞獻終獻均用文舞。舞皆八佾。以武舞生文舞生各六十四人。分執干戚羽籥而舞於樂懸之次。引舞用旌節四。以樂舞生四人分司之。祭之日。初獻樂作。司樂執旌節。引武舞生執干戚進奏武功之樂。舞畢樂止。武舞生退。亞獻樂作。司樂執旌節。引文舞生執羽籥進奏文德之舞。終獻樂作。文舞生奏文德之舞。舞畢樂止。文舞生退。惟

先師廟止用文舞六佾。引舞旌節二。其舞之儀節皆太常寺協律郎等官教習。每月三六九日演之。

遇有祭祀。先期試演於神樂署之凝禧殿。祭之日。司爵司香奉帛奉爵焚香等事。俱執事樂舞生司之。

天壇大祀。共用樂舞生二百五十九名。如有事祭告。

皇帝親詣行禮。用三十八名。遣官行禮。用二十八名。

祈穀壇用二百三十五名。

地壇共用二百四十七名。如祭告。用二十六名。

太廟共用二百六十七名。如祭告。用二十六名。若係一

處專祭。用一十七名。或一十五名。

社稷壇共用二百二十七名。祭告用一十八名。朝

日壇夕

月壇俱用二百三十五名。

先農壇用執事樂舞生一十八名。如

皇帝耕耤親祭。共用樂舞生二百二十二名。

歷代帝王廟共用二百八十三名。

先師廟共用一百四十名。

太歲壇共用二百三十二名。○又定樂舞生服色。祭

天壇。武舞生與執旌節樂舞生。俱服青緞銷金花服。文

舞生與執旌節樂舞生。及樂生焚香樂舞生。俱

服青緞補服。執事樂舞生服藍鍊邊青緞服。

祈穀壇。武舞生服紅緞銷金花服。文舞生及樂生焚香樂舞生服紅緞補服。執事樂舞生服藍鍊邊青羅服。

地壇。武舞生服青屯絹銷金花服。文舞生及樂生焚香樂舞生服青屯絹補服。執事樂舞生服藍鍊邊青羅服。

太廟。武舞生。文舞生及樂生焚香樂舞生服色與祈穀壇同。執事樂舞生服青緞服。

社稷壇。武舞生服紅羅銷金花服。文舞生及樂生焚香樂舞生服紅羅補服。執事樂舞生服藍鍊邊青羅服。朝

日壇同夕

月壇武舞生服月白羅銷金花服。文舞生及樂生焚香樂舞生服月白羅補服。執事樂舞生服藍鑲邊青羅服。先農壇焚香樂舞生服紅絹服。執事樂舞生服月白鑲邊藍絹服。如

皇帝耕耤親祭。武舞生服紅絹銷金花服。文舞生及樂生焚香樂舞生服紅絹補服。執事樂舞生服月白鑲邊青絹服。

歷代帝王廟。武舞生服紅色鑲金花服。文舞生及樂生焚香樂舞生服紅色補服。執事樂舞生服青絹服。

先師廟無武舞生。餘服色與

歷代帝王廟同。

關帝廟。咸豐三年升入中祀。樂舞生。悉照

歷代帝王廟辦理。

文昌廟。咸豐六年升入中祀。用文舞生三十六名。樂生與

關帝廟同。

太歲壇樂舞生服色亦與

歷代帝王廟同。其帶均用綠色紬為之。其頂文舞生

用裏金銅頂。武舞生用裏金三叉銅頂。俱由太

常寺行文工部給領。○八年議准。樂舞生舊定



為五百七十名。現缺一百三十六名。選補如額。  
○康熙十六年。製造樂舞生袍帶。由工部轉行  
文浙江織造衙門照數製給。○雍正十二年奏  
准。通行各省。將現在樂舞生詳加考驗。擇其實  
係本籍俊秀子弟。通曉音律。嫻習禮儀者。仍准  
存留。如有冒濫。悉行斥退。○乾隆七年議定。凡  
大雩不用樂。以舞童十有六人。衣皁色之衣。為二行。行各  
八人。兩手各執翟羽一。於讀祝後引至班所。分為  
東西各四行。行各二人。北面植羽立。乃舞而歌。

御製雲漢詩八章。迄中獻畢止。若用樂。則文武二舞悉

備。而加以童子舞。其舞之候與不用樂同。舞童由內務府掌儀司選聲音清亮者習之。製羽仿周禮皇舞之式。以五采染之。羽與舞衣俱由內務府製造備用。○又奉

旨。鄭世子樂書等書俱有舞譜。本朝舞制並無紀載。應作何載入書內之處。著傳諭莊親王張照知之。欽此。遵

旨將各

壇

廟及中祀樂舞聲容儀節纂輯舞譜三十卷。分載於律

呂正義後編。垂為定例。○八年。和碩莊親王允祿等奏。武舞干上有字。向止五句。而分八佾。必不齊一。又多互異。考之太常。皆不能對。必係年久遺失。以訛傳訛。謹撰擬八句。恭候

欽定。奉

旨。改定干辭八句。每干各書一句。

謹案其文係兩時若四海永清。倉箱大

有。八方教甯。奉三永奠。得一。○十一年奏准。

大雩童舞。改於終獻樂止後。贊舞童歌詩。舞童乃進。按舞而歌。

隊舞。○原定慶隆舞司琵琶司三絃各八人。司

奚琴司箏各一人。司節司拍司抃各十有六人。俱服石青金壽字袍豹皮褂。司章十有三人。服蟒袍豹皮褂。又戴面具。服黃畫布套者十有六人。服黑羊皮套者十有六人。司舞八人。又朝服隊舞大臣十有八人。凡筵燕。

皇帝進饌畢。中和清樂止。樂部官由丹陛兩旁引兩翼司節司拍司抃各八人上。分三排北面立。引兩翼司琵琶司三絃各四人上。東西相嚮立。司奚琴一人在東。司箏一人在西。司章十三人隨右翼上。東面立。樂奏慶隆之章。戴面具人上。各

跳躍擲倒象異獸。騎馬人各衣甲冑帶弓矢。分兩翼上。北面一叩興。周旋馳逐。象八旗。一人射。一獸受矢。羣獸懾伏。象武成。隊舞大臣上。入殿內正中三叩興。退立於東邊西嚮。以二人為一隊。進前對舞。每一隊舞畢。復三叩。退。次隊進舞。如前儀。○乾隆八年奏定。筵燕各項樂舞名色。蟒式總名慶隆舞。內分大小馬護為揚烈舞。揚烈舞人所騎竹馬為禺馬。所戴馬護為面具。大臣起舞上壽。為喜起舞。又蟒式時所用樂人。照和聲署之例。歌章者曰司章。騎竹馬者曰司舞。

彈琵琶者曰司琵琶。彈絃子者曰司三絃。彈箏者曰司箏。劃簫算者曰司節。拍版者曰司拍。拍掌者曰司拊。○是年。

巡幸盛京筵燕。照慶隆舞之制。增世德舞。所用樂器衣物等項。由現在新製樂器衣物內。揀選帶往。即留

盛京庫內。毋庸交樂部收存。○九年奉

旨。嗣後除夕在保和殿筵燕蒙古王等。著先進蒙古樂曲。次進慶隆舞。次年元旦在太和殿筵燕京城王大臣。著先進慶隆舞。次進蒙古樂曲。○十四年。平定金

川凱旋。

御豐澤園筵燕。照慶隆舞之制。增德勝舞。○二十五年。平定西陲。增定德勝舞樂。○五十二年議准。每年十二月初旬。令慶隆舞正身二人。赴禮部演習。其學習六十九人。於十二月中旬。定期三六九日。赴部演習。○嘉慶元年定。

太上皇帝筵燕。慶隆舞樂照例演習豫備。○八年奉旨。增隊舞大臣四人。○十四年元旦。

太和殿筵燕。各項技藝。係朝鮮擲倒伎人。回部伎人。金川番子。大郭莊舞獅子。粗細句樂。五項技

藝承應。○二十二年奏准。每遇

保和殿

正大光明殿筵燕。內有慶隆舞喜起舞。時刻較長。  
即以技藝三項承應。遇

紫光閣

山高水長筵燕。向不進慶隆舞。則喜起舞為時較  
迫。即仍舊以五項承應。○二十三年奏准。嗣後  
太和殿筵燕。先進慶隆舞。次喜起舞。次蒙古樂曲。  
○二十四年元旦。

太和殿筵燕。進蒙古樂曲。後以技藝三項承應。○



道光三年元旦。

太和殿筵燕。各舞按次進畢。以技藝三項承應。仍照向例。

殿上毋庸摘去隔扇。○八年。平定回疆。用德勝舞新曲。○十五年十月初十日。

皇太后六旬萬壽。用慶隆舞樂曲。○光緒十六年。

皇上萬壽。先期正月二十六日。在

太和殿筵燕。所有樂舞節次。遵照成案。先進慶隆舞人。司章歌作。小司舞大司舞司舞人以次進舞。次喜起舞。大臣進舞。次進蒙古樂曲。次朝鮮

擲倒伎人。及掌儀司所屬各項技藝。仍照向例。  
殿上毋庸摘去隔扇。

蒙古樂曲。○蒙古樂曲有二。一曰茄吹。司茄一  
人。司箏一人。司胡琴一人。司口琴一人。又司章  
四人。皆服蟒服。凡筵燕。豫立於丹陛左旁。屆時  
進

殿內一叩。屈一膝奏蒙古曲。一曰番部合樂。用箏  
一。琵琶一。三絃一。火不思一。番胡琴一。笙一。管  
一。笛一。簫一。雲鑼一。二絃一。月琴一。提琴一。軋  
箏一。拍一。器各以一人司之。凡筵燕。亦皆服蟒

服。豫立於丹陛之旁。屆時與茄吹四人及司章一人共二十人為一班同入。

殿內一叩。屈一膝同奏蒙古曲。○嘉慶二十四年奏准。嗣後

太和殿筵燕。將什幫樂曲。於慶隆舞喜起舞之前承應。

朝鮮國俳樂。○凡筵燕。用朝鮮笛伎管伎鼓伎各一人。戴煙氈帽。鍍金頂。服藍雲緞袍。橙色雲緞背心。藍紬帶。俳長一人。戴面具。青緞帽。紅纓。服紅雲緞袍。白紬長袖。綠雲緞虎補背心。十字

藍紬帶。擲倒伎十四人。服短紅衣。在丹陛兩旁立。俳長從右翼上。於甕南立。以朝鮮國語北面致辭。笛伎管伎鼓伎各一人。從右翼上。於甕西南立。東北嚮。擲倒伎從左翼上。自東嚮西。各呈其藝。

瓦爾喀部樂。凡筵燕。瓦爾喀部司舞八人。均服紅雲緞鑲糴緞花補服。狐皮大帽。在丹陛西邊立。進前北嚮三叩。退於西邊柱後立。司齊策四人。司阮四人。各分兩翼上。嚮上跪一膝。奏瓦爾喀樂曲。司舞以兩為隊。按隊進舞。每隊舞畢。

三叩退。次隊復進如儀。

回部樂。凡筵燕。回部司手鼓一人。即達卜。司小鼓一人。即那嘴喇。司胡琴一人。即哈爾札克。司洋琴一人。即喀爾奈。司二絃一人。即塞他爾。司胡撥一人。即喇巴卜。司管子一人。即巴拉滿。司金口角一人。即蘇爾奈。皆衣錦面絹裏雜色紡絲接袖衣。錦面布裏倭緞緣邊回回帽。青緞鞞。綠紬膝膊。司舞二人。舞盤二人。皆衣靠子。上下身錦腰襖。紡絲接袖衣。擲倒大回子四人。皆衣靠子。上下身雜色紡絲接袖衣。戴五色紬回

回小帽。餘與司樂人同。小回子二人。衣雜色紬面絹裏衣。餘與大回子同。以上共十八人。豫立丹陛下。俟朝鮮國俳樂各伎藝下。即上。先作樂。司舞二人起舞。舞盤人隨舞畢。擲倒伎上。走索尋橦百戲呈技畢。同下。

番子樂。凡筵燕。用金川之樂。司得梨司柏且爾。司得勒窩各一人。阿爾薩蘭司舞三人。為戲獅。引獅者衣雜絲。執繩繫五色耍球。大郭莊司舞十人。每兩人相攜而舞。一服蟒袍帶領挂珠。斜披黃藍二帶。交如十字。一服藍袍挂珠。斜披

黃紫二帶。交如十字。四角。魯司舞六人。戴武盔。插雞翎各六。背藤牌。帶腰刀。左執弓。右執箭壺。盛箭五枝。相對而舞。班禪之樂。札什倫布司得梨司巴汪司蒼清司龍思馬爾得勒窩共六人。司舞童十人。各披長帶。執斧一。舞而歌梵曲。廓爾喀部樂。凡筵燕和聲署以署史十有三。人。演廓爾喀部樂。司舞二人。俱衣紅綠紬衣。戴紅猩氈帽。著紅綠履。每足各繫銅鈴一串。即公古哩。司歌五人。俱以紅綠布纏頭。內一人衣綠紬衣。著紅綠履。餘衣回子衣。著紅羊皮靴。司達

拉一人。司達布拉一人。司丹布拉一人。司薩朗  
濟三人。共六人。內二人以洋錦纏頭。餘皆以紅  
綠布。衣回子衣。著紅羊皮鞢。其帶均以雜色紬  
布為之。

越南國樂。凡筵燕和聲署以署史十有三人。  
演越南國樂。司舞四人。俱手執綠扇。衣蟒衣。繫  
藍帶。戴道巾。司弓鼓。司弓拍各一人。司弓哨二  
人。司弓彈絃子。司弓彈胡琴。司弓彈雙韻。司弓  
彈琵琶。司弓三音鐘各一人。俱衣黃鸝補服。道  
袍。冠帶與司舞同。

謹案越南國樂嘉慶八年  
旨停止豫備



緬甸國樂。凡筵燕和聲署以署史二十有二人。分演粗緬甸細緬甸樂。粗緬甸樂司歌六人。司樂五人。其器用接內搭兜呼稽灣斜枯聶兜。姜聶聶兜姜結莽聶兜布各一。俱挖髮紫紅。用緬甸國衣冠。細緬甸樂司舞二人。俱衣閃緞短衣。束以洋錦。雜色裙。戴紫巾。司巴打拉蚌札。總稿機。密穹總得約總。不累接足。各一人。俱挖髮紫紅。衣藍緞短衣。腰帶及裙與司舞同。

賞賚。崇德二年定。元旦承應樂舞人等。分別技藝賞給銀兩。○順治十年。元旦舞官皆賞給

朝衣。舞樂人等皆賞給銀兩。○康熙四年元旦舞官各賞蟒緞鞵馬。樂舞人等各賞馬緞紬布有差。○十二年定舞官賞蟒緞大緞。樂舞人等賞紬緞布疋。○雍正五年除夕元旦等日筵燕。分別賞給滿洲隊舞大臣及舞樂人等緞布。嗣後定為賞例。○乾隆三年除夕元旦上元三大筵燕。滿洲隊舞大臣有因差遣未完次數者。停給蟒緞。照例賞大緞二疋。餘樂舞人賞給如例。○四年奏准。瓦爾喀部舞人舊例各賞大潞紬一疋。本年未經進舞。停止賞賚。○十六年。

聖駕南巡。於正月十三日

啟鑒。所有筵燕滿洲隊舞大臣及樂舞人等。俱未完次數。減半給賞。○二十七年。筵燕滿洲隊舞大臣及樂舞人等。未完次數。減半賞給緞布。○三十年。筵燕滿洲隊舞大臣及樂舞人等。未完次數。減半給賞。○道光二年

諭。自本年起。十二月二十三日。西廠子蒙古包筵燕。著什幫豫備滿蒙曲。外將清音各曲。亦著一併豫備。著為例。欽此。遵

旨議准。照蒙古茄吹人。分別全完未完。一體賞給。○四

年

諭。自本年。起。山高水長。煙火處。豫備清音十番一套。欽此。遵

旨。議奏。照廓爾喀。緬甸。樂署史。分別全完未完。一體賞給。

欽定大清會典事例卷五百二十九

樂部

樂制 樂器一

樂器。○一曰麾。以黃帛為之。長五尺四寸六分七釐五毫。闊一尺七分八釐六毫。繡雲龍。上鑲藍帛。長八寸一分。繡星雲文。中繡日華。日中繡中和金篆字二。上下皆綴以橫木。上鏤雙龍寶蓋。下鏤山水座。通髹金。懸以木杆。髹朱。長八尺一寸。其端下曲。以銅龍為飾。承之以架。高二尺五寸六分。亦髹金。凡中和韶樂作則舉麾。樂止

則偃之。二曰戲竹。析竹為之。凡五十莖。長三尺六寸四分五釐。柄長六尺四寸八分。通髹以朱。以塗金壺盧承之。凡丹陛大樂作。則二人共執之。立於丹陛上。合之而樂作。分之而樂止。○金之屬凡二十。一曰鋪鐘。凡十有二圓。第一圓黃鍾之鐘。兩欒高一尺八寸二分二釐。兩銑相距一尺五寸一分八釐。兩舞相距一尺二寸九分六釐。甬長一尺八分。旋徑四寸八分。蟲長三寸三釐。厚一寸二分一釐。蟲孔長一寸五分一釐。乳凡三十六。高一寸四分四釐。其龔虞皆塗以

金。通高九尺二寸五分。上龔高一尺一寸。左右為龍首。口銜五采流蘇五。中龔高四寸。龔上有業。高七寸。鏤雲龍。附龔結黃絨紉以懸鐘。左右兩虞高五尺六寸五分。承以五采伏獅。高一尺二寸五分。下為趺。高與伏獅等。趺上垣高三寸。鏤山水文。上龔脊樹金鸞。喙銜五采流蘇五。第二圓大呂之鐘。兩樂高一尺七寸六釐。兩銑相距一尺四寸二分二釐。兩舞相距一尺二寸一分三釐。甬長一尺一分一釐。旋徑四寸四分九釐。蟲長二寸八分四釐。厚一寸一分四釐。蟲孔

長一寸四分二釐。乳高一寸三分四釐。其龔虞與第一圓鐘同。第三圓太族之鐘。兩樂高一尺六寸二分。兩銑相距一尺三寸五分。兩舞相距一尺一寸五分二釐。甬長九寸六分。旋徑四寸二分六釐。蟲長二寸七分。厚一寸八釐。蟲孔長一寸三分五釐。乳高一寸二分八釐。其龔虞與第一圓鐘同。第四圓夾鍾之鐘。兩樂高一尺五寸一分七釐。兩銑相距一尺二寸六分四釐。兩舞相距一尺七分八釐。甬長八寸九分八釐。旋徑三寸三分九釐。蟲長二寸五分二釐。厚一寸



一釐。蟲孔長一寸二分六釐。乳高一寸一分九釐。其龔虞中龔高三寸六分。左右兩虞高六尺三寸五分。獅高九寸。垣高二寸五分。獅身出垣六寸五分。下施几二。高一尺三寸。以符第一龔虞高下之制。餘與第一龔虞同。第五圓姑洗之鐘。兩樂高一尺四寸四分。兩銑相距一尺二寸。兩舞相距一尺二分四釐。甬長八寸五分三釐。旋徑三寸七分九釐。蟲長二寸四分。厚九分六釐。蟲孔長一寸二分。乳高一寸一分三釐。其龔虞與第四圓鐘同。第六圓仲呂之鐘。兩樂高一

尺三寸四分八釐。兩銑相距一尺一寸二分三釐。兩舞相距九寸五分八釐。甬長七寸九分九釐。旋徑三寸五分五釐。蟲長二寸二分四釐。厚八分九釐。蟲孔長一寸一分二釐。乳高一寸六釐。其龔虞與第四圓鐘同。第七圓蕤賓之鐘。兩樂高一尺二寸八分。兩銑相距一尺六分六釐。兩舞相距九寸一分二釐。甬長七寸五分八釐。旋徑三寸三分七釐。蟲長二寸一分三釐。厚八分五釐。蟲孔長一寸六釐。乳高一寸一釐。其龔虞左右兩虞高六尺五分。上龔中龔舞跣尺寸。

俱同第二龔虞。下施几三。高一尺六寸。餘與第一龔虞同。第八圓林鐘之鐘。兩樂高一尺二寸一分五釐。兩銑相距一尺一分二釐。兩舞相距八寸六分四釐。甬長七寸二分。旋徑三寸二分。蟲長二寸二釐。厚八分一釐。蟲孔長一寸一釐。乳高九分六釐。其龔虞與第七圓鐘同。第九圓夷則之鐘。兩樂高一尺一寸三分七釐。兩銑相距九寸四分八釐。兩舞相距八寸九釐。甬長六寸七分四釐。旋徑二寸九分九釐。蟲長一寸八分九釐。厚七分五釐。蟲孔長九分四釐。乳高八

分九釐。其龔虞與第七圖鐘同。第十圖南呂之鐘。兩樂高一尺八分。兩銑相距九寸。兩舞相距七寸六分八釐。甬長六寸四分。旋徑二寸八分。四釐。蟲長一寸八分。厚七分二釐。蟲孔長九分。乳高八分五釐。其龔虞左右兩虞高五尺六寸五分。上龔中龔獅趺尺寸俱同。第三龔虞下施几三。高二尺。餘與第一龔虞同。第十一曰無射之鐘。兩樂高一尺一分一釐。兩銑相距八寸四分二釐。兩舞相距七寸一分九釐。甬長五寸九分九釐。旋徑二寸六分六釐。蟲長一寸六分八

釐。厚六分七釐。蟲孔長八分四釐。乳高七分九釐。其龔虞與第十圓鐘同。第十二圓應鍾之鐘。兩欒高九寸六分。兩銑相距七寸九分九釐。兩舞相距六寸八分二釐。甬長五寸六分八釐。旋徑二寸五分一釐。蟲長一寸五分九釐。厚六分六釐。蟲孔長七分九釐。乳高七分五釐。其龔虞與第十圓鐘同。二曰編鐘。凡十有六圓。第一圓倍夷則之鐘。內高七寸三分一釐六毫七絲。中徑六寸八分八釐一絲。上頂下口。內徑俱四寸七分七釐三毫一絲。體厚一分三釐三毫。第二

圓倍南呂之鐘。內高七寸三分七毫七絲。中徑六寸八分六釐二毫一絲。上頂下口。內徑俱四寸七分五釐五毫一絲。體厚一分四釐二毫。第三圓倍無射之鐘。內高七寸三分一絲。中徑六寸八分四釐六毫九絲。上頂下口。內徑俱四寸七分三釐九毫九絲。體厚一分四釐九毫六絲。第四圓倍應鍾之鐘。內高七寸二分九釐二毫一絲。中徑六寸八分三釐九絲。上頂下口。內徑俱四寸七分二釐三毫九絲。體厚一分五釐七毫六絲。第五圓黃鍾之鐘。內高七寸二分九釐。

中徑六寸八分二釐六毫六絲。上頂下口。內徑俱四寸七分一釐九毫六絲。體厚一分五釐九毫八絲。第六圓大呂之鐘。內高七寸二分八釐一毫四絲。中徑六寸八分九毫五絲。上頂下口。內徑俱四寸七分二毫五絲。體厚一分六釐八毫三絲。第七圓太族之鐘。內高七寸二分七釐二毫四絲。中徑六寸七分九釐一毫四絲。上頂下口。內徑俱四寸六分八釐四毫四絲。體厚一分七釐七毫三絲。第八圓夾鍾之鐘。內高七寸二分六釐四絲。中徑六寸七分六釐七毫四絲。

上頂下口。內徑俱四寸六分六釐四絲。體厚一分八釐九毫三絲。第九圓姑洗之鐘。內高七寸二分五釐二絲。中徑六寸七分四釐七毫一絲。上頂下口。內徑俱四寸六分四釐一絲。體厚一分九釐九毫五絲。第十圓仲呂之鐘。內高七寸二分三釐六毫七絲。中徑六寸七分二釐。上頂下口。內徑俱四寸六分一釐三毫。體厚二分一釐三毫。第十一圓蕤賓之鐘。內高七寸二分二釐五毫三絲。中徑六寸六分九釐七毫二絲。上頂下口。內徑俱四寸五分九釐二絲。體厚二分



二釐四毫四絲。第十二圓林鍾之鐘。內高七寸二分一釐六毫五絲。中徑六寸六分七釐九毫六絲。上頂下口。內徑俱四寸五分七釐二毫六絲。體厚二分三釐三毫二絲。第十三圓夷則之鐘。內高七寸二分一釐三毫三絲。中徑六寸六分七釐三毫二絲。上頂下口。內徑俱四寸五分六釐六毫二絲。體厚二分三釐六毫四絲。第十四圓南呂之鐘。內高七寸一分九釐七毫二絲。中徑六寸六分四釐一毫一絲。上頂下口。內徑俱四寸五分三釐四毫一絲。體厚二分五釐二

毫五絲。第十五圓無射之鐘。內高七寸一分八釐三毫七絲。中徑六寸六分一釐四毫一絲。上頂下口。內徑俱四寸五分七毫一絲。體厚二分六釐六毫。第十六圓應鍾之鐘。內高七寸一分六釐五毫七絲。中徑六寸五分七釐八毫。上頂下口。內徑俱四寸四分七釐一毫。體厚二分八釐四毫。共為一虞。通高九尺。中橫為三簣。上簣左右雕龍。口銜五采流蘇五。簣上施金鸞五。皆味銜流蘇。中簣有葉無齒。繪雲龍。下簣有葉。葉有牙作水波狀。兩簣各垂金鉤八以懸鐘。虞下

有趺。趺上有垣。鏤山水文。垣內雕木為獅。飾以青。三曰方響。以鐵為之。其體長方。十六枚為一虞。陰陽各八。皆長七寸二分九釐。闊一寸八分二釐二毫。其厚各得編磬之半。上各為孔。以黃絨紉繫於虞梁。擊以小鐵鎚。虞制如屏。高四尺八寸。髹以朱。繪五采花文。頂中飾火珠。兩端為龍首。各懸五采流蘇五。鐃歌樂方響用其一。以手擎而擊之。四曰雲鐃。范銅為之。形如銅槃。十枚為一懸。中四。左右各三。面徑俱三寸五分二釐九毫。底徑俱二寸六分三釐一毫。厚薄殊制。

四正律。六半律與編鐘應。四周各為孔。以黃絨  
紉繫於架。用小木錘擊之。架繫以朱頂飾以火  
珠。兩端俱為龍首。下左右兩端亦為龍首。各垂  
五采流蘇。五曰銅鼓。徑九寸七分二釐。中間隆  
起者徑二寸六分七釐三毫。高八分一釐。邊有  
二孔。以黃絨條懸而擊之。六曰銅點。制如銅鼓  
而小。徑四寸八分六釐。中間隆起者徑一寸六  
分二釐。高四分八釐六毫。亦以黃絨條繫邊孔  
而擊之。七曰銅鈸。范銅為二。圓徑六寸四分八  
釐。中間隆起者徑三寸二分四釐。高一寸二分

九釐六毫。邊闊一寸六分二釐。中間有孔。各貫以黃絨條而合擊之。八曰鉦。以銅為之。形如槃。口徑八寸六分四釐。內深一寸二分九釐八毫。邊闊八分六釐四毫。外用木為匡。邊穿二孔。以繫於匡。匡外有銅鐻。以黃絨紉懸於項而擊之。九曰金。以銅為之。面徑一尺四寸五分八釐。內深二寸二分七釐五毫。邊穿二孔。繫以黃絨條。提而擊之。十曰大銅角。一名大號。以銅為之。形如竹筩。本細末大。通長三尺六寸七分二釐。上口徑四分三釐二毫。下口徑六寸四分八釐。十

一曰小銅角。一名二號。以銅為之。上截如筒。下截如角。通長四尺一寸四釐。上口徑二分一釐六毫。下口徑四寸三分二釐。十二曰金口角。一名瑣唅。以木為管。長九寸八分九釐。其孔八。本小末大。上下以金為口。加蘆哨吹之。十三曰蒙古角。一名蒙古號。以木為質。虛其中。上下二節。上節長四尺七寸三分一釐。下節長三尺五寸二分九釐。末加銅口。長一尺六寸七分二釐九毫。下口徑七寸二分九釐。雄雌各一。雄角上口內徑三分四釐五毫。雌角上口內徑二分八釐。

五毫。通髻以黃。繪五采雲龍。束之以貼金銅箍。金口上為銅鑲。繫紅黃粧緞小旗各一。角口上為銅鼻。上口加角哨吹之。十四曰鑼。范銅為之。有二。其耕藉禾辭樂與採桑歌樂所用者。制如金而微小。面平。徑一尺三寸深一寸六分。其凱旋饒歌樂所用者。制與銅鼓同。十五曰鐃。范銅為二。左右合擊。面徑俱一尺二寸。中間隆起者一寸三分。徑二寸四分五釐。各穿圓孔。以黃絨紉貫之。十六曰小和鈸。范銅為二。左右合擊。面徑俱七寸九分。中間隆起者一寸三分。徑二

寸四分五釐。亦各穿圓孔。以黃絨紉貫之。十七  
曰大和鈹。面徑一尺一寸八分。中間隆起者二  
寸五分。徑五寸七分。餘與小和鈹同。十八曰星  
范銅。為二。左右合擊。口徑一寸八分。高一寸。厚  
一分。中間隆起者四分。徑一寸。各穿圓孔。以黃  
絨紉貫之。十九曰錫范銅。為之。面徑二寸七分。  
口徑三寸一分五釐。深六分。上穿二孔。繫黃絨  
紉。以木片擊之。二十曰海笛。制如金口角而小。  
管長六寸二分。上徑三分。金口長一寸六分。下  
徑八分。金口長一寸七分。外徑二寸二分。○石



之屬凡二。一曰特磬。凡十有二枚。第一枚黃鍾之磬。股長一尺四寸五分八釐。闊一尺九分三釐五毫。鼓長二尺一寸八分七釐。闊七寸二分九釐。厚七分二釐九毫。第二枚大呂之磬。股長一尺三寸六分五釐二毫。闊一尺二分三釐九毫。鼓長二尺四分七釐八毫。闊六寸八分二釐六毫。厚七分六釐八毫。第三枚太簇之磬。股長一尺二寸九分六釐。闊九寸七分二釐。鼓長一尺九寸四分四釐。闊六寸四分八釐。厚八分九毫。第四枚夾鍾之磬。股長一尺二寸一分三釐

六毫。闊九寸一分二毫。鼓長一尺八寸二分四毫。闊六寸六釐八毫。厚八分六釐四毫。第五枚姑洗之磬。股長一尺一寸五分二釐。闊八寸六分四釐。鼓長一尺七寸二分八釐。闊五寸七分六釐。厚九分一釐。第六枚仲呂之磬。股長一尺七分八釐六毫。闊八寸八釐九毫五絲。鼓長一尺六寸一分七釐九毫。闊五寸三分九釐三毫。厚九分七釐二毫。第七枚蕤賓之磬。股長一尺二分四釐。闊七寸六分八釐。鼓長一尺五寸三分六釐。闊五寸一分二釐。厚一寸二釐四毫。第

八枚林鍾之磬。股長九寸七分二釐。闊七寸二分九釐。鼓長一尺四寸五分八釐。闊四寸八分六釐。厚一寸六釐四毫。第九枚夷則之磬。股長九寸一分二毫。闊六寸八分二釐六毫五絲。鼓長一尺三寸六分五釐三毫。闊四寸五分五釐一毫。厚一寸七釐八毫七絲。第十枚南呂之磬。股長八寸六分四釐。闊六寸四分八釐。鼓長一尺二寸九分六釐。闊四寸三分二釐。厚一寸一分五釐二毫。第十一枚無射之磬。股長八寸九釐。闊六寸六釐七毫五絲。鼓長一尺二寸一分。

三釐五毫。闊四寸四釐五毫。厚一寸二分一釐三毫六絲。第十二枚應鍾之磬。股長七寸六分八釐。闊五寸七分六釐。鼓長一尺一寸五分二釐。闊三寸八分四釐。厚一寸二分九釐六毫。其簣。簣上簣左右刻鳳首。趺飾以臥鳧。白羽朱喙。附簣結黃絨紉以懸磬。餘與鐃鐘簣虞同。二曰編磬。凡十有六枚。皆股長七寸二分九釐。闊五寸四分六釐七毫五絲。鼓長一尺九分三釐五毫。闊三寸六分四釐五毫。其厚薄各不同。第一枚倍夷則之磬。厚六分六毫八絲。第二枚倍南

呂之磬。厚六分四釐八毫。第三枚倍無射之磬。厚六分八釐二毫六絲。第四枚倍應鍾之磬。厚七分一釐九毫一絲。第五枚黃鍾之磬。厚七分二釐九毫。第六枚大呂之磬。厚七分六釐八毫。第七枚太簇之磬。厚八分九毫。第八枚夾鍾之磬。厚八分六釐四毫。第九枚姑洗之磬。厚九分一釐二絲。第十枚仲呂之磬。厚九分七釐二毫。第十一枚蕤賓之磬。厚一寸二釐四毫。第十二枚林鍾之磬。厚一寸六釐四毫。第十三枚夷則之磬。厚一寸七釐八毫七絲。第十四枚南呂之

磬。厚一寸一分五釐二毫。第十五枚無射之磬。厚一寸二分一釐三毫六絲。第十六枚應鍾之磬。厚一寸二分九釐六毫。磬兩面俱繪金雲龍。中為孔。以黃絨紉繫於龔虞。十六枚共為一懸。其龔虞與特磬同。○絲之屬六。一曰琴。以桐為面。梓為底。紫檀為岳山。焦尾。其體前廣後狹。上圓下方。通長三尺一寸五分九釐。自岳山至焦尾絃度之數。長二尺九寸一分六釐。岳山厚二分四釐三毫。高四分八釐六毫。岳山內際至額二寸一分八釐七毫。額廣五寸一分三毫。肩闊

五寸八分三釐二毫。腰尾均闊四寸三分七釐四毫。鳬掌高一寸一分三釐四毫。額端鳳喙長二寸七分五釐四毫。龍鬚闊厚均一寸二分一釐五毫。雁足高八分九釐一毫。底有二孔。曰龍池。曰鳳池。腹內有天地柱二。一方一圓。軫池長三寸七分二釐六毫。為孔七。軫長一寸五分三釐九毫。軫末結黃絨紉。穿孔上出以綰絃端。自龍鬚繞下。纏於雁足。左四右三。凡七絃。第一絃用一百八綸。三角一絃。二絃為一絃。二絃九十六綸。三絃八十一綸。四絃七十二綸。五絃六十四綸。六絃

五十六綸七絃四十八綸。徽凡十三。以螺蚌飾之。二曰瑟。以桐木為之。其梁用紫檀。身繪雲龍。首尾繪錦。邊繪采雲。絃孔以螺蚌為飾。其體前廣後狹。面圓底平。中高。首尾俱下。通長六尺五寸六分一釐。前後梁高廣俱七分二釐九毫。前梁內際至額七寸二分九釐。至尾五尺八寸三分二釐。後梁內際至尾一尺四寸五分八釐。梁內絃長四尺三寸七分四釐。額廣一尺四寸五分八釐。前腰廣一尺三寸八分五釐一毫。後腰廣一尺三寸一分二釐二毫。尾廣一尺二寸三



分九釐三毫。前足高二寸九分一釐六毫。後足  
二寸一分八釐七毫。尾邊為雲牙。長一尺七寸  
四分九釐六毫。底孔二。前後梁外各為孔以受  
絃。絃首結於瑟體之中。絃尾從後底孔出而環  
綰於後梁之上。絃凡二十有五。每絃二百四十  
三綸。中一絃用黃。兩旁各朱絃十有二。三曰奚  
琴。剡桐木為之。絃柱及軸用紫檀。通長二尺八  
寸八分。龍頭長五寸七分六釐。柄與槽均長一  
尺一寸五分二釐。槽面覆版長五寸一分二釐。  
正中設柱以承絃。槽頭為圓柱。施皮扣以結絃。

端龍頭下脣為山口。後開槽以設絃軸。其槽長三寸三釐。軸長四寸四釐。絃二。自山口至絃柱。絃度長二尺四分八釐。以木杆繫馬尾八十一莖軋之。杆長二尺三寸四釐。龍頭貼金。槽與柄面皆繪五采龍以為飾。四曰箏。似瑟而小。剡桐為之。髮以黃而緣以綠。其梁及尾邊用紫檀。梁髮以綠。邊繪金夔龍。通長四尺七寸三分八釐五毫。額廣七寸二分九釐。尾廣六寸四分八釐。額與尾邊俱為雲牙。底有二孔。施絃如瑟之制。共十有四絃。絃皆五十四綸。長三尺六寸四分。

五釐。絃孔以象牙為飾。其座四足斜交。以樞揷之。髹以朱。下有趺。五曰琵琶。剡桐為之。曲首長頸。腹廣背圓。其覆手匙頭與曲首用樟木。槽面本色。餘髹以金漆。繪雜花文。通長三尺一寸一分五釐七毫。曲首中間為山口。設檀軸四以綰絃。絃長二尺一寸六分。第一絃用朱色。山口上以黃楊木為四象。下以竹為十三品。按本絃寅卯辰巳未申酉戌度分以取聲。絃孔以魚牙為飾。六曰三絃。斲檀為之。修柄方槽而剡其角。冒以鼈皮。通長三尺三寸四分八釐。絃長二尺五

寸九分二釐。是頭內鑿空。以三軸綰之。面設柱以承之。其山口及軸用象牙。或用紫檀。柱用竹。○竹之屬凡五。一曰排簫。比竹為之。十六管。陰陽各八。自左而右。列二倍律六正律之管八。倍夷則之管。長九寸一分二毫。倍無射之管。長八寸九釐。黃鍾之管。長七寸二分九釐。太簇之管。長六寸四分八釐。姑洗之管。長五寸七分六釐。蕤賓之管。長五寸一分二釐。夷則之管。長四寸五分五釐一毫。無射之管。長四寸四釐五毫。自右而左。列二倍呂六正呂之管八。倍南呂之管。

長八寸六分四釐。倍應鍾之管。長七寸六分八釐。大呂之管。長六寸八分二釐六毫。夾鍾之管。長六寸六釐八毫。仲呂之管。長五寸三分九釐三毫。林鍾之管。長四寸八分六釐。南呂之管。長四寸三分二釐。應鍾之管。長三寸八分四釐。以木為槽。四其中而納管。管取上齊。出槽之上者。凡一寸九分六釐八毫。槽高九寸四分七釐七毫。口廣六寸九分九釐八毫。肩廣一尺一寸六分一釐。兩足相距一尺一寸三分三釐五毫。隨管之長短。左右漸張以掩之。通髹以朱。繪金龍。

中施小鑲。垂五采流蘇。二曰簫。截竹為之。有二。姑洗簫長一尺七寸七分五毫。徑四分三釐五毫。仲呂簫長一尺六寸九分三釐四毫。徑四分一釐六毫。皆前五孔。後一孔。旁二孔。上開吹口。徑二分。通髻以朱。繪雲龍。其旁孔垂五采流蘇。三曰笛。截竹為之。有二。姑洗笛徑四分三釐五毫。自吹孔至末。一尺二寸五分一釐七毫。仲呂笛徑四分一釐六毫。自吹孔至末。一尺一寸九分七釐二毫。皆通長一尺八寸二分八釐六毫。左第一孔為吹孔。右為六孔。以協律。兩旁為二

孔以出音。末有二孔嚮上。閒纏以絲。兩端加龍首龍尾。皆以木為質。通髹以朱。繪花文。旁孔垂五采流蘇。又平笛制同。惟首尾不加龍飾。四曰簫。有二。姑洗簫徑八分七釐。自吹孔至末九寸九分五釐九毫。仲呂簫徑八分三釐二毫。自吹孔至末九寸五分二釐五毫。皆通長一尺四寸。上為吹孔。下為二孔相並以出音。又嚮外孔五嚮內孔一。管末有底。為小竅。吹孔上留竹節以閉音。閒纏以絲髹以朱。繪雲龍。出音孔垂五采流蘇。五曰頭管有二。大管自哨下口至末長五

寸七分六釐。徑二分七釐四毫。小管自哨下口至末長五寸六分二毫。徑二分一釐七毫。以竹為之。捲蘆葉以為哨。

國朝改用堅木。或骨角為之。前為七孔。後為一孔。兩端以象牙為飾。上口加蘆哨入管內吹之。匏之屬一。曰笙。以匏為身。以竹為管。管本近底。削半露竅。以薄銅葉為簧。點以蠟珠。管端開氣孔。稍上為出音孔。大笙十七管。徑皆一分六釐五毫。自簧口至出音孔之度。第一第二管四寸二分五釐二毫。第三第十六管四寸七分五釐。



第四管五寸三分四釐四毫。第五管六寸二釐。  
第六第七管七寸五分六釐。第八管二寸三分  
七釐五毫。第九管四寸一釐六毫。第十第十七  
管三寸六毫。第十一管三寸三分六釐。第十二  
管三寸七分八釐。第十三管二寸六分七釐二  
毫。第十四管六寸一釐二毫。第十五管八寸五  
分五毫。小笙亦十七管。徑皆一分三釐七毫。第  
一第九第十六第十七管不設簧。有簧者凡十  
三管。簧口至出音孔之度。第二第六管四寸四  
分三釐五毫。第三管四寸九分九釐。第四管五

寸五分七釐六毫。第五管七寸五釐八毫。第七管七寸八分八釐四毫。第八管二寸四分九釐五毫。第十管三寸一分三釐七毫。第十一管三寸五分二釐九毫。第十二管三寸九分四釐二毫。第十三管二寸七分八釐八毫。第十四管六寸二分七釐四毫。第十五管八寸八分七釐。管左右分列。環植於匏。束以竹絲。中管最長。餘以次短。象鳳翼。本豐末斂。象鳳身。於匏身之半。接吹管處。為吹孔。通髹以漆。鏤雲龍文。填以金。土之屬一。曰埴。埴土為之。上銳下闊。底平。其形

如權有二。黃鍾壺。高二寸二分二釐。腹徑一寸七分一釐七毫。底徑一寸一分六釐八毫。大呂壺。高二寸一分三釐三毫。腹徑一寸六分四釐二毫。底徑一寸一分一釐七毫。皆為七孔。頂孔一。即吹口。前四後二。通髻以朱。繪金雲龍。以手奉而吹之。